# Voces de Queempostela

de Información

Folleto Mensual Nº8, Decembro-1996

Editado polo Colectivo Gai de Compostela

#### público Xa se fixo informe sobre agresións

A Comisión Anti-Agresións do CGC fixo público o informe elaborado sobre as agresións homofóbicas na Galiza. Ademais de ser enviado á prensa escrita, o informe tamén foi remitido á Dirección Xeral de Servizos Sociais e ao Servizo Galego de Promoción de Igualdade do Home e da Muller. Tanto a rádio como a prensa xa fixeron eco das conclusións do informe; os partidos parlamentares, que tamén recebiron copias, ainda non se manifestaron ao respeito.

### Sai á rua o número 12 do S'homos

Tal e como se esperaba, o novo número da revista do CGC, S'homos, foi editado antes da fin do ano. Nesta edición conta-se coa maquetación de Dani Rodríguez, os artigos de Xosé Santos e Carlos Valcárcel e a orixinal banda deseñada de Xesús Pedreira, Manteñense as seccións habituais de novas rosas, libros, cine e música, ademais dos contactos. Ainda que significativa reducción da calidade na sua portada, o novo S'homos abaratou en máis dun 60% os seus custos chegando case a se autofinanciar. A Comisión do Voceiro xa está a pensar no próximo número, o 13, prevendo a súa edición para antes do mes de Abril do vindeiro ano.

# Festa de Nadal no Tarasca

Como xa é tradicional no CGC. celebrou-se unha festa de Nadal o pasado 17 de Decembro no pub Tarasca. A actuación dos conta-contos complementou-se cun xogo de "engate numérico". A afluéncia de público foi, unha vez máis, numerosa e superou as expectativas. A nova Comisión de Actos

Lúdicos e Culturais pensa celebrar outra festa co gallo do entroido.

#### Tertúlia en Xaneiro

A nova Comisión de Actos Lúdicos e Culturais está xa a organizar outra tertúlia para a fin do vindeiro mes de Xaneiro. Desta vez o tema do debate ha xirar ao redor da economía rosa e dos gais como consumidores. Se queres enviar textos ou suxestións sobre o tema non tes máis que pasar polo local ou escreber ao apartado.

#### O manifesto do 22-F

asemblea do CGC ratificou o manifesto proposto polo grupo de colectivos que están a organizar os actos reivindicativos do 22-F. Finalmente, o manifesto e mais os lemas elexidos non se centran só na demanda dunha lei de parellas, senón que denúncian a forte discriminación social e a grave indefensión legal coa que se atopan os gais, lesbianas e transexuais do Estado Español e do mundo en xeral. O CGC enviar pensa representantes manifestación de Madrid e xa hai xente apontada para ir. Se tamén queres apontar-te pasa polo local ou envia-nos un aviso ao apartado.

# Esquerda Unida apresenta un proxecto de lei próprio

Hai uns dias Esquerda Unida remitiu ao CGC unha cópia do seu Proxecto de Lei de Parellas de Feito, recentemente apresentado no Congreso Deputados. Trata-se dun proxecto máis aberto que o do PSOE xa que nel se contempla, entre outras cuestións, a posibilidade de faceren as parellas a declaración da renda conxunta. Con esta iniciativa lexislativa, xa son tres os proxectos apresentados no parlamento estatal para regular a situación das parellas de feito. Isto significará,

probabelmente, un retraso na aprobación final da lei.

#### Renovación de cargos

CGC, reunido en asemblea extraordinária 0 pasado 10 Decembro, elexiu os novos cargos directivos para os próximos meses. Estes cargos, especialmente o de presidente, só implican unha responsabilidade legal e non executiva. A asemblea segue sendo, pois, o órgano decisório do CGC. Na devandita reunión tamén se fixaron novas comisións como a de Actos lúdicos e Culturais, ou a de Meios Audiovisuais. Se tes propostas sobre liñas de traballo, xa sabes: pasa polo local ou escrebe-nos ao apartado.

#### Novas medidas económicas

A petición do Tesoureiro, a asemblea do CGC aprobou unha série de medidas para aumentar os ingresos do colectivo e aumentar o seu número de sócios numerários. Por unha banda, no uso da Biblioteca e Mediateca (fonoteca + videoteca) fará-se unha distinción de prezos para os sócios e os non sócios. Así, o préstamo de libros e revistas custará 100 pts. para os sócios e 200 pts. para os non sócios; o préstamo de cintas de áudio ou vídeo custará 200 pts. para os sócios e 300 para os non sócios. Ademais, os sócios recebirán gratuitamente o S'homos. Tamén se pensa cobrar aos non sócios matrículas organización de cursos obradoiros. Se tes suxestións ao respeito, escrebe ou pasa polo local.

#### Cursos e obradoiros

A Comisión de Actos Lúdicos e Culturais está a pensar nas posibilidades de organizar vários cursos e obradoiros. Unha das posibilidades é a de organizar un obradoiro de sexo seguro para antes das vacacións de primavera. Tamén se está a pensar na posibilidade de organizar un certame fotográfico e un ciclo de conferencias, especialmente agora que a Conselleria de Cultura vai ofertar subvencións para a organización de actos deste tipo. Se tes ideas ou aportacións para a comisión, escrebe ou pasa polo local. A Comisión de Actos Lúdicos e Culturais reúne-se no local tedos os xoves a partir das 20:30 horas

# Reinícian-se os repartos de condóns na alameda

Seguindo a liña de traballo destes últimos anos, o CGC reiniciou a principios deste mes de Decembro o reparto de condóns e información na alameda e mais no campus sur composteláns. Como todo o mundo sabe, estas son zonas de engate e de reunión nocturna para os gais de Compostela. Igual que o ano pasado, o CGC está especialmente interesado en continuar con este labor xa que permite facer un seguimento das numerosas e continuas agresións homofóbicas que se dan pola noite nesta zona da cidade. De feito, as accións directas na alameda foron decisivas na elaboración do informe sobre agresións homofóbicas. O reparto de condóns fai-se, como en ocasións anteriores, coa axuda do Comité Cidadán Anti-Sida de Santiago.

#### Eichas policiais na Coruña

O Colectivo Gai Coruñés Milhomes" denunciou publicamente a elaboración de fichas policiais aos gais que acoden ao parque de Méndez Núñez. O Governo Civil da Coruña confirmou nun comunicado de prensa estes feitos, equiparando a loita contra o tráfico de drogas ou contra a prostitución co control dos "indivíduos de homosexual" (sic) no devandito parque. O CGC denúncia tamén este acoso policial e estudiará medidas de protesta. Se tes información ao respeito ou simplesmente queres achegar a tua opinión escrebe ao apartado ou pasa polo local.

## Vacacións de Nadal

Os voluntários do CGC van-se tomar un pequeniño repouso co gallo do Nadal. Asi, tanto o local como a actividade de correspondéncia permanecerán paralizadas durante estas datas. Desde aqui, os voluntários que traballan no colectivo desexan-che unhas boas festas e un feliz e liberado ano 1997.

